

欽州志

104345

104345

第壹本

卷首

序

目錄

例言

職名

舊序

圖

社管局撥交書

(普通)

一九五五·三·九

道光甲午新鐫

欽

州

志

本衙藏板

高州登雲樓刻

...

...

欽

州

志

...

欽州志序



欽州濱大海南道光十二年冬海氛不靖總督盧官保檄行文武員弁相機偵緝其明年二月海賊平州牧朱君功實多會欽州圖

欽州志

卷首

序

一

志適成朱君請序於予予按欽州爲漢合浦縣地蕭梁置安州隋開皇十八年令狐熙奏改安州爲欽州近時所出寧越郡欽江縣正議大夫甯甯贇碑立於大

業五年蓋三年改欽州曰
寧越郡而郡治欽江也自
唐復名欽州迄於今不變
明宣德中棄交趾欽之邊
境與今越南毗連竹山之
壤接於江坪思勒州判與

萬寧州土目同集一鎮分
疆而理康熙二十三年設
龍門協副將於州之海口
內安外扞隱然稱重鎮焉
國家德威遐播梯航效順越
南之長恪守藩維而重洋

漾淼匪船乘間剽掠時或不免嘉慶庚午平巨盜烏石一等又二十餘年萬寧州之茶古瀟有阮保者包藏荒穢與粵民楊就富等通號召徒衆私置戰艇肆

劫於廉欽之洋我師奮舉越南亦陳兵境上分番夾擊敗遁窮追阮保既擒楊就富等均檻送伏法欽境大安而水師中營第一號米艇颶風吹入越南之茶

山越南王優禮廩給由海道護送回廣命其酋黎文謙等奉書陳謝

上嘉其恭順厚賚遣還異時

國史當附載南藩列傳仰見聖朝懷化初不僅爲志乘之光

欽州志

卷首

序

四

而圖志新成適當其會不足見賢有司之效歟欽昔有志十四卷雍正改元遼陽董紹美文若撰歷今一百十年而疆域沿革鄉邦文獻復粲然大備於新志

雜而不越綜諸法度可謂
勤於其職後來之式矣夫
教導民夷漸以禮義嶺南
亦華風也黃魚一枚收稻
一斛長吏所深戒也古稱
爲政在人人存政舉必方

畧智計足以服遠而後慕
義保塞鱗集仰流也又必
墾闢豐給勿擾吾民而後
飲化歸仁眩鯨息浪也予
旣分巡所及又方陳臬事
深幸欽人按堵而樂觀斯

志之成也於是乎書

道光十四年甲午春正月

吉旦

賜進士出身分巡高廉兵備道

署廣東按察使司按察使

前戶科掌印給事中掌山

欽州志

卷首

序

六

東道監察御史翰林院編

修仁和許乃濟序

欽州志序

廉爲粵東極邊郡而欽州
尤屬東南外鄙面瀕巨洋
龍門七十二島逕途邃曲
易藏奸宄則海防宜慎也
右接安南三都六峒之間

崇山峻嶺密邇相錯則邊
禁宜嚴也又况界外居絕徼
思所以救民生之彫殘革
人文之媿陋修廢舉墜因
勢而利導之良非易易余
備秩樞曹十六年去夏奉

命出守廉陽蒞任三月吏事弗
諳朝夕兢兢懼負厥職而
欽州牧朱君前後官斯土
者四載興利除弊誠賢大
夫也會前守張公重輯府
志成朱君亦取州志而踵
修之請序於余余以爲志
也者史之遺意也有一官

一邑之任而於疆域沿革
之故政治興廢之原茫然
弗加深考甚非所以昭職
守而示久遠况欽志未修

者幾百餘年其間建置之
異宜風化之異尚以及秩
官選舉人物藝文在在宜
蒐討而論定之使之粲然
大備於後然則援古證今
徵文考獻豈惟是侈鋪張

之盛業業矜記載之空文哉
夫本實心以行實政毋拘
成法毋蔑舊章參稽其得
失洞悉其利病而後綱舉
目張措之裕如是任在前事
之師矣今觀斯志之成而

益信朱君之大有造於欽也至輿志源委已詳許觀察序中不復贅述謹撮其修志之大要弁諸簡首用質朱君且以告後之官斯土者時

道光十四年甲午春三月
知廉州府事前戶部坐糧
廳監督兵部武選清吏司
郎中儀徵厲同勳序

重修州志序

制治之道將在握其要端有所依據以施政教乎余讀周官經大司徒以土地之圖詳其地域廣輪別其山川名物以土會之漚周知其利害蕃阜其人民由是而奠地守而

制地貢由是而禮教申而樂教和大之軍旅訟獄小之道路溝封慮無不至詳且盡有脊有倫今之郡邑志書意本諸此此提要之圖而制治之根柢也可以觀政教矣余以媮昧之才輒司繁劇道光二

載奉

命來牧欽江宰治之道雖所未諳
第以披尋舊志考川嶽之形
勝稽物產之土宜覽士民之
習尙溯文獻汙隆之故數疇
曩治忽善敗之由因思其所
爲施諸政教者竊欲師前哲
之緒餘以勤求上理固有志
焉而未逮也夫欽濱海負山
地與南交犬牙錯

國家承平日久休烈浹洽固已
夷夏同風罔或牴牾於治然
而島嶼星羅崙谿邃窅狙獷
之民資爲淵藪逋逃之所易

卽奸邪復以僻地西南睹聞
或隘詩書之澤容有未極涵
濡官斯土者膺六百里海疆
之寄將何以礪頑磨鈍鼓舞
振興使之海于有蔽山于有
軍匪徒遠迹侮亂不生風俗
醇美士氣丕振以無負作志

者之深心也乎余滋慙矣獨
是舊志成於雍正之初越今
百餘年矣其間沿革更置之
宜賢州長撫綏之畧以及州
之孝子忠臣義士節媛之懿
行者耆儒碩彥之品誼文章其
足以矩矱當時聲施後世者

惡可聽其漫漶散佚有美而弗彰耶於是撫卷流連思與州人士謀而修輯者久之會以疾引去不果行十一年秋余起復復領州事當是時安南民阮保與廣州民楊就富嘯聚爲難剽掠廉欽海道余被

制軍命偕

邦伯張友堂先生共籌軍會

水師協勦於是按志索圖知羣賊出沒要害所在爲之擇港陳兵因整設邏搗甲洲霧水以蕩其巢穴據竹山以握

其咽喉營八字烏雷爲犄角
屯北海江坪而內衛軍潤洲
以要其歸截三亞珠墩以禦
其旁突追亡於青藍以窮其
走賴

朝廷德威遠屆戈船樓船所向
披靡衷甲數月而妖氛立滅

亦足見志乘之果裨於治一
披繹而百務瞭如也飲至之
日遂以志之所以宜修者告
諸州紳士州紳士以爲然乃
踵董志輯之正其訛補其軼
增其新多仍其舊爲卷十二
閱歲而成非敢謂無紕繆也

而特以古今理亂之迹存乎
其間持是以求布治之要庶
其在此故尤不敢以譏陋自
謝耳若夫移風易俗扶進黎
元柔優饜飫以觀政教之成
則以待後之能者

時

欽州志

卷首

序

六

道光十四年甲午秋月知欽
州事桂林朱椿年序

重修欽州志卷首總目

知欽州事臨桂朱椿年仲香修

卷首

目錄

舊序

例言

圖

歷代沿革表

卷之一

輿地志

疆域

沿革

欽州志

卷首

目錄

山川

關隘

分野

湖泊

氣候

占驗

鄉都

諸崗

墟市

井泉

風俗

水利

物產

卷之二

建置志

城池

廨署

倉庫

坊表

亭樓閣塔

橋梁

津渡

驛舖

卷之三

經政志

戶口

田賦

經費

祿餉

鹽法

權稅

土貢

蠲恤

卷之四

禮樂志

壇廟

祀典

欽州志

卷首

目錄

二

學校

書院

田圖附

卷之五

兵防志

兵制

營壑

欽營塘汎

龍營水汎

海防

巡哨

海程

防倭舊制附

卷之六

職官志

文職

元以前職官
學正 訓導

明同知
吏目

知州 判官
四司 巡檢

倉大使

驛丞

守禦所

所 吏目

國朝知州

州判

學正

訓導

吏目

如

重修欽州志職名

道光十四年甲午

總纂

廣東廉州府欽州知州朱椿年 廣西臨桂人

纂修

廉州府欽州學正杜以寬 瓊州瓊山人

廉州府欽州訓導葉輪 嘉應直隸州人

分纂

州歲貢 生仇鼎脩

州歲貢 生趙元渾

州歲貢 生馬尙材

欽州志 卷首

分校

州學廩生 藍彩中

州學生 員仇嗣璜

採訪

潘晉熏 衛千總職 方遇堯 州歲貢生 郭岐 布經歷職

李于圻 理問職 李于嵩 布政經歷 廖尙松 州同職

甯人傑 州廩生 馬錫錫 州廩生 章舍 州廩生

方肇珪 州增生 藍文撰 州庠生 顏光模 州庠生

林暢榮 州庠生 蘇文鼎 州庠生 蘇作蕓 州庠生

蘇連 州庠生 關清洲 州庠生 劉博學 從九職

吳有邦 監生 蘇雨佳 監生

歷修欽州志姓氏

康熙元年壬寅

知欽州事三韓喻三畏

學正寶安黃 樾

貢生馮紹齡

李元癸

康熙十二年癸丑

知欽州事伊洛董爾性

學正古番黎方潞

庠生吳捷連

馮士淳

李雲龍

馮邦柱

欽州志 卷首

康熙二十二年癸亥知欽州事三韓馬世祿

州判晉安鄭 鎬

學正古番謝蓬升

訓導寶安袁良揆

庠生李復亨

馮邦柱

雍正元年癸卯

知欽州事遼陽董紹美

訓導古岡梁士鵬

貢生吳邦瑗

李捷槐

庠生黃秉良

卷之七

選舉志

進士

貢生

吏員

武員

恩廕

卷之八

欽州志

卷首

目錄

三

宦蹟志

宦績

流寓

卷之九

人物志

列傳

耆壽

卷之十

紀事志

秦

後漢

首司 沿海司 管界龍門
 防城司 長墩司 那陳司
 武職 明指揮守備 道標守備
 欽州營守備 龍門協副將 欽州營參將
 右營都司 左營守備 右營守備

舉人

例貢

武舉

封贈

謫宦

列女

漢

三國吳

晉

齊

陳

唐

宋

明

國朝

宋

梁

隋

五代南漢

元

卷之十一

古蹟志

城址

署宅

欽州志

卷首

金石

雜錄

卷之十二

藝文志

奏疏

記

賦

封國

廟寺

塚墓

目錄

四

條議

詩

明舊叙

欽自秦漢開疆梁天監中置安州始有州事天監以前猶荒野也宋開寶四年置東西路版籍始歸有司開寶以前猶羈縻也開寶迄今垂六百年觀文成化誰實尸之乃士俗民風尙雜夷獷禮樂不興圖籍罔具何以故毋亦守土者越在窮徼鬱鬱不得意玩愒吏事而遷人逐客徒以紀遊標勝寄其牢騷所從來久耳黃魯風流代亦不乏如宋乎陶弼我朝乎林希元最爲彪炳攷其時上之一念一事篤摯在民民之從治從純洒然自異孔子曰善人爲邦百年亦可以勝殘去殺矣每誦斯語置

欽州志

卷首

舊序

五

饋三嘆善人君子豈數數見安所得相繼百年乎五美承乏茲土才能萬不逮前望治過之簿書之暇進紳衿父老商確興除稽往牒所載徽猷亮節慨然思踵其芳先後而布之利因以爲治人行政一時也信今傳後千古也爰蒐舊乘彙爲新裁繁簡取舍務精審覈隨事顯義用昭勸懲五閱月而刻成凡八卷於是乎欽之文獻足徵矣夫志附輜軒之義綜覈一方非徒移輦饋故書叙九邱詩陳列國採風者具其美惡董事者正其得失務在興道敷化維衰起敝施於久遠已爾自今以往何以使家豐野徹風氣開文物盛優游雅化盡祛開寶

以來玩愒因循之習不佞五美與後之君子日夜
飲冰焉可也天啟七年丁卯黃岡李五美撰

國朝馬叙

郡邑之有志猶古列國之有史也事雖屬於外乘
其間山川風土之勝物理人情之異罔不犁然畢
具俾有心當世採風問俗者知所稽考於以興道
致治斯足尙爾獨是氣運有升降時事有盛衰物
產有盈縮若徒事鋪張紀而不詳則媿妍莫徵何
以光前乘而繼舊聞仰副 當事振微維衰之意
乎故志不可以不修而修尤不可以不備也予庚
申秋承乏茲土見斗大孤城民居寥落荒煙斷草

欽州志

卷首

舊序

六

極目蕭條昔之所稱林總者今已半摧鋒鏑半徙
他鄉矣昔之所稱熙攘者今則市井荒涼居奇屏
息矣昔之所稱耕食鑿飲桑麻遍野者今則荆榛
滿林皋蒺藜鞠畝矣噫嘻今昔之不同若此無
怪乎舊志灰燼蠹蝕遂致斷簡殘編不可收拾雖
壬寅以前喻君三畏與司鐸黃君禮明經馮子紹
齡輯其大略彙爲兩帙付之剞劂迄於壬子董君
爾性偕司諭黎君方澗重參訂之無何丙辰變作
原梓亦燬惟予不敏恒念州志零落傳聞失真懼
無以應

朝廷敷求之命爰集州庠馮邦柱諸子蒐羅放失以

學博謝君蓬升袁君良撰具龍門史才董刪修事
補闕正訛共成一十四卷卷有標額子簿書之暇
次第詳審條理井如公道不泯復屬叅軍鄭君鎬
悉心細閱間有疑而不安者則比於闕文之例示
傳信也方今薄海內外咸歸一統輜軒之使行將
採列國風謠八方土物登之

天府欽雖海角遐陬亦職方所隸豈可使上下千百年
間盛衰得失之數竟至湮沒而不爲考文徵獻以
修一州之志如古所謂列國之史者乎若夫潤色
鴻業惟在後之君子用殫厥心挽當日淳厚之風
宏薪燠作人之化繼此文人蔚起蜚聲桂杏之苑

欽州志

卷首

舊序

七

光照志書其爲功也顧不偉歟是爲序

康熙二十二年癸亥孟冬知欽州事三韓馬世祿
譔

董原叙

三廉去京師萬里爲東南極邊境而欽又屬廉郡
外鄙錯雜於交蠻海嶠之間其地險其土曠伏莽
時警至明季益甚百姓流離蕩析絃歌闕如歷數
十年賴

聖朝威德始獲底定設官置戍休養生息聲名文物之
盛漸復曩規而故老零落載籍散佚文獻之舊邈
不可再得歲庚申海陽馬君來守是邦從榛莽灰

燼中搜羅遺編葺爲州乘而事多缺畧識者憾焉
余不敏少遊

秘閣得分藜照既而進仕齊魯簿書碌碌日無寧晷
而嗜痂性癖公餘之暇輒取其地之風土人物與
夫沿革升降之故必詳悉考之毋敢忽庚子秋謬
以 上憲獎薦奉

天子命出牧茲土始至索志閱之朽蝕不堪竟讀余心
怛怛卽謀所以新是志者適州民仍荒歉之餘瘡
痍未復而其間城郭學校津梁名勝之區又以地
僻率多荒墜余顧而慨然方喫咻而經理之未暇
及斯也越三載事稍閒乃以修志之舉謀於州之

欽州志

卷首

舊序

八

紳士紳士咸曰可於是旁搜博羅抉隱索渺訛者
正之闕者補之新者增之計卷凡十四雖不敢自
謂宏鉅美備而以較之馬君之志則略加詳矣稿
甫脫客進於余曰公之蒞欽三年矣三年中輕徭
薄賦修廢舉墜欽之民固已飽公之德而樂公之
勤今公又爲之發其幽潛飾其固陋以成斯志使
欽之人鼓舞感發而不能自已是殆欲以禮樂之
治治斯州乎余曰噫是何言乎是何言乎昔冉子
聖門高弟而於爲邦則僅曰可使足民於禮樂則
曰以俟君子况余之才萬不及冉子余之所以治
民者萬不能如冉子之自信又何敢妄附於君子

之列假禮樂以自文顧獨念我
國家撫馭九有八十餘載

世祖

聖祖深仁厚澤淪肌浹髓靡遠弗屆而今

皇上又復紹承謨烈益播新猷蛟人蜃齒之邦莫不重譯
請見自鳴其盛而我欽人介在邊陲獨甘樸野自
就湮沒使前之事無所傳後之人無所考甚非所
以昭

休明之治而盡遠臣之職也此則余修志之意也客聞
之唯唯而退因援筆書之以弁簡端是爲序
皆

欽州志

卷首

舊序

九

雍正元年癸卯季夏知欽州事遼陽董紹美文若
甫書

例言

一卷首有圖自分野疆域以及城池衙署學官書院悉約具規模以見一時體制而沿海墩汛洋面沙洲尤關緊要並圖以著之

一志十二卷首輿地志以地爲主也凡疆域之廣袤州郡之沿革山川之綿亘關隘之險要均詳焉地有分野海有潮汐寒熱有氣候風雲有占驗咸備列焉內地有鄉村邊地有諸崗交易有墟市行汲有井泉而風俗成焉水利興焉物產出焉次日建置王公設險以守城池最爲要務解署以施政發令倉庫以儲餉裕民坊表以旌芳名亭樓閣塔以傳古蹟橋渡以通濟舟車驛舖以送迎來往皆依舊本而排纂之者三日經政戶口永載

欽州志

卷首

例言

十

聖主之仁要必稽其登耗田賦原定維正之供尤必計其贏縮祀賓之經費有常數官弁之祿餉有定額鹽法具有舊章權稅自有成例以時均平出納遞年批解奏銷不容略也土貢乃相沿積習業已奉裁蠲恤爲

盛朝殊恩敬宜臚列四曰禮樂禮有五經莫重於祭壇廟祭之地則先其祀事之主於有司者而鄉村市鎮之社壇境廟附見之祀典祭之儀則記

會典所頒大祀中祀羣祀定制而牲醴俎豆以及儀注樂章悉列之禮和樂節以云教也則學校之規制書院之章程並其膏火田舖暨爲細詳五曰兵防欽地近彝濱海尤宜豫備不虞

國家安內攘外軍政嚴明兵制時爲更定營整舊有建設陸地有汎水路有汎各有專管協防之責海防稽查舳艫之出入洋巡緝捕奸宄之潛藏以時會哨則海不揚波而水程可計故巡哨之後並附海程是又參通志府志以成篇不盡用舊說矣六曰職官前志秩官惟列文職而武職別列於武備今則序文職後接序武職用府志

例也七曰選舉進士舉人貢生例貢吏員武舉分類悉依舊本其後則各卽其類增輯之武員則鎮協叅遊都守皆志之添入封贈恩蔭二子目亦府志例也八曰宦蹟舊志分宦蹟殉節爲二目然盡其職與死其官其揆一也通志府志皆合而一之今仿其例至謫宦與流寓相似而不同通志分爲二舊志府志合爲一今從通志九曰人物舊志人物唐之甯姜爲最而宋代闕如今從儀徵阮相國新修廣東通志蒐羅增補仍各詳其引用之書名以資考證其近者則據府志新增而參輯之列女以表壺貞耆壽以徵

人瑞悉依通志府志之例十日紀事舊志年紀
有大書有分注體似綱鑑今用通志事畧之例
隨事彙抄不分綱目用存記事之體十一曰古
蹟欽屬南交極界前代之建置靡常名人之踪
跡不少舊城址舊封國史冊所傳繫可據也而
古廟寺古金石之見於志乘者非無稽也誌及
塚墓重其人也雜錄遺事數段以古志相傳不
忍棄也十二曰藝文欽志創自陶商翁其吟咏
獨多繼者林次崖其癸疏記詩猶有存者舊分
奏議爲一卷記序爲一卷詩賦爲一卷今第分
列子目而總以藝文該之傳舊者什之七採新

者什之三

一疆域沿革遵

大清一統志爲主而以歷代史分注其下以便省覽

其他地理書如杜佑通典州郡李吉甫元和郡
縣志樂史太平寰宇記王存元豐九域志歐陽
忞輿地廣記王象之輿地總志皆通志府志所
採者均節略輯錄以備參考

一山川關隘以及水利物產橋梁津渡之類皆據
採訪冊纂輯以耳目所及較之載記傳聞爲得
其實其中相符合者固多而相背蓋者亦正不
少不必執古說以相難也

一田賦權稅祿餉經費備載於會典則例賦役全書凡通志府志所援據者悉爲搜尋哀輯用備一州之掌故

一鹽法先叙歷代離政其廢竈額產領運行銷折配悉據新府志纂輯至鹽引丁課凡通志所載者必備錄之

一學校舊有奉

頒卧碑恭錄全文俾學者得以熟復涵泳身體而力行之其奉

頒匾額並

先師贊

欽州志

卷首

例言

三

四配贊以及奉

頒祭器樂器悉敬謹抄錄用昭一代之典章

一新置書院田畝坵段舖舍房間董事者應其久而變易詳繪爲圖載入志中冀垂永久府志有此例亦附載之

一兵制馬步增減海防巡哨統轄俱從營冊採輯各營整臺塘汛專管協防分管村庄各處周府志開載分明咸有責成可爲法守

一志例不載署任職官乾隆初年署州王者輔周府志稱其負個儻才西留心邊務議論經濟矯矯不羣破例載之可以不必

一府志明人物傳載黎龍若由欽州貢任常熟知縣董州志不載考黎君乃康熙十四年寄欽籍出貢通志云南海人府志云東莞人則非欽產也不必爲之立傳

一紀事皆紀欽地之事以事繫年必表年以首事秦漢之後三國則依通志紀吳以欽地屬於吳也五代之紀南漢亦同此例

一金石以歷久而珍故明代之碑銘通志不採然地處邊徼卽勝朝之留遺不可多得廉府志已收及明今亦依之

一藝文取其關係於欽地者錄之文則錄其有裨於國計民生經世而無弊者至於詩以言志又足見政治之得失若徒矜藻麗雖諸公在欽之作亦唯其人之不可沒者錄其一二留吉光片羽於是邦云爾


欽州志

卷首

例言

七

欽州全圖




欽州志

卷首

圖


十五

羽異軫圖



四星畧方謂之軫左轄
 右轄兩附近軫中一星
 號長沙軫南青邱七星
 炳邱前四個土司空邱
 左軍門二星隱邱下器
 府三十二密密相聚居
 河境

二十二星卽是翼上五
 下五橫看得翼中六個
 恰似張上三下五如鼎
 植翼下五個是東甌小
 斗九星隔河集




欽州城圖

欽州志 卷首

圖


十六






欽州志 卷首

書院圖



州署圖




欽州志

卷首


圖

九

參將署圖



州署圖




欽州志

卷首


圖

九

參將署圖



守備署圖



欽州志

卷首

圖

三

龍營洋汛圖



東 挑柴港係化右營石城縣與合浦縣就前右營交界

樂民城汛

營安海

此係遂溪合浦就前右營與海安營交界內河

斜陽

左右二營水落分界洋面



欽州志

卷首

圖

三

秦漢

晉宋

齊梁陳隋

唐

五代漢宋

元

明

象郡合浦地縣地

宋壽郡安州宋寧越郡欽州寧越郡欽州欽江縣欽江縣

初屬交州宋壽郡齊開皇末改武德四年復置欽州治後屬越州屬交州梁安州為欽欽州天寶元年兼置安州州大業初改寧越郡乾元改寧越郡元年復為欽州

江縣江縣

開寶五年省入靈山縣

安京郡安京縣欽州保京縣欽州保欽州安欽州路欽州

開皇十年屬欽州至德二郡廢屬寧越改名屬邕州

遠縣景德安遠縣洪武二年改府七年

齊安金縣越郡屬欽州屬越州梁置安京縣

二年更名至元十七降為州以南宋移州年以欽州州治安遠治此屬廣路屬海北縣省入屬南西路海南道廉州府

象郡交趾地郡地

黃州寧玉州安陸州玉山郡海郡海縣寧海縣

武德五年

歷代沿革表

梁大同元更名爲黃復置玉州貞觀
年置安平州治開皇二年廢上元二
縣爲黃州十八年改年復置更名陸
寧海郡治黃州爲玉州天寶元年改

州大業三玉山郡乾元元
年州廢而年復爲陸州至

縣屬寧越德二載更縣名
寧海屬嶺南道

烏雷縣 總章廢
元年

置大曆三年移
安海縣屬陸州

玉山縣 華清縣 初復廢
置玉

大業初省山縣天寶元年
入安海縣更名屬陸州

海平縣 海平縣 武德
四年

大業初省復置貞觀十二
入安海縣年省入安海縣

國朝因之

欽州志

卷首

圖

三五